

ԿԻԼԻԿԻԱՅԻ ՌԻՎԱԳՆԵՐ

ՄԻՍԱԲ ԾԵՎԱԼՀԻՐԾՅԱՆ

ԼԵՎՈՆ IV ԹԱԳԱՎՈՐԻ ՎԻՄԱՔԱՆԴԱԿՆԵՐԻ ՄԱՍԻՆ

Դաշտային Կիլիկիայի Թագավորաշեն և ծովեզերյա Կոմարտիաս բերդերում պահպանվել են Կիլիկիայի Լևոն IV (1320-1341 թթ.) թագավորի մի քանի վիմաքանդակներ: Քանդակներից առաջինը գտնվում է Դաշտային Կիլիկիայի Թագավորաշեն բերդի գլխափոր մուտքի բարավորում: Այդ բերդն այժմ հայտնի է Յըլան-կալե անունով: Կիլիկիայի հայերն այն անցյալում անվանում էին «Լևոն թագավորի շինած բերդը»: Թուրքերն այն աղավաղելով և հարմարեցնելով իրենց լեզվին, «Լևոն»-ը վերածել են «Յըլան»-ի, որը նշանակում է «օձ», և, հետևաբար, բերդը կոչվել է Յըլան-կալե: XIX-XX դդ. հայ գրականությունում բերդը ստացել էր Օձաբերդ անունը, որը ոչ մի առնչություն չունի օձ բառի հետ:


Բերդի «Յըլան» կոչվելուն նպաստել էր նաև այն հանգամանքը, որ դրան բարավորի քանդակում, հատիչի հարվածից քարի եզրի փոքր-ինչ կտրվելու պատճառով, Լևոն IV թագավորի ձախ ձեռքով բռնած գայիսոնի ձողափայտը ստացել էր աննշան օձապտույտ դիրք: Հայ ուսմիկը հետագայում Թագավորաշենը անվանեց «Լևոն թագավորի բերդը» ձեռքով: Դա էլ ծնունդ տվեց «Լևոն բերդ»-ին և ապա «Լևոնկլային»: Իսկական Լևոնկլա բերդը գտնվում էր Լեոնային Կիլիկիայում և ոչ մի առնչություն չունի Դաշտային Կիլիկիայի Թագավորաշեն բերդի հետ: Վերջինս գտնվում է Մամեստիա (այժմ Միսիս) բերդաքաղաքից 4-5 կմ հյուսիս-արևելք, Ջահան գետի աջ ափի մոտ և բարձր մի քարաբլրի գագաթին: Բերդը հսկում էր Ջահանի նեղ գետահովտի անցուղարձին և արդի Սիրքելի գյուղի մոտ, Ջահան գետի վրայով կատարվող գետանցումին: Թագավորաշենը կառուցվել է 1320-1335 թթ. միջև, XIV դարի Կիլիկիայի հայկական ռազմաճարտարապետական հիմունքներով, ժամանակի պահանջներին համապատասխան, երեք շարք պարիսպներով, ահատեպիլ՝ թշնամու, և գեղեցիկ՝ տների համար: Ուներ ջրամբարներ, դղյակ-միջնաբերդ, մատուռ-աշտարակ և հարակից շինություններ:

Թագավորական բերդի գլխավոր մուտքի վերևի կամարի փականի քարում (պորտի քար) քանդակված է թագավորը թագը գլխին ծալապատիկ նստած, ձախ ձեռքին բռնած թագավորական գայիսոն «Օաղիկը» կամ «Ֆլոտոխը», իսկ աջ ձեռքին՝ «Տերունական խաչը» (նկ. 1): Գահավորակը կարճ ոտքերով և վերևը երբեմն ամպհովանիով ծածկված ասիական տիպիկ զահ էր: Լևոն IV-ի գահավորակն ունի կոկոնի և բուսական մոտիվների միահյուսմամբ ձևավորված չորս ոտքեր: Փականի քարի երկու կողմի քարերի վրա քանդակված է մեկական «Կիլիկիայի հայկական աղյուծներ»՝ կանգնած դեմ դիմաց: Ինչպես հայտնի է, Կիլիկիայի ամեն մի հայ թագավորի «աղյուծն» ունեցել է իր ուրույն ոճը և տարբերվել մյուսներից: Ինչպես Թագավորաշեն բերդի ամբողջությունը, այնպես էլ վիմաքանդակ կոմպոզիցիան պատրաստված է Կիլիկիային հատուկ, սովորական կրաքարից: Դարերի ընթացքում աչ կողմի «աղյուծը» մաշվել ու քայքայվել է մարդկանց և բնության ներգործու-

թյունից: 1958 թ. երբ այն տեսանք, ոչ մի հետք չէր մնացել աչ կողմի «առյուծից»:

Լևոն IV-ի թագը՝ Կիլիկյան Հայկական թագավորության ընդունված թագն է: Թագավորը պատկերված է մորուքով և երկայն մազերով: Գահավորակն ամպրոպանի չունի:

Պահպանված ձախակողմյան «առյուծը» պատկերված է մարդկային գլխով և առյուծի մարմնով: Նա կանգնած է ետևի երկու ոտքերի վրա: Մարդու մեջքն իսառնված են առջևի երկու թաթերը: Գլխի վերևի մասում պատկերված են առյուծի երկու ականջները: Վզին կա կենդանու բաշը՝ ներկայացնող տերևաձև մի ցցվածք: Առյուծի պոչի վերջնամասը քանդակված է լայն բացված հերպոդիական շուշան ծաղկի հետևողությամբ: Այդպիսին է եղել XIV դարում հայոց թագավորաշեն բերդի զինանշանը:



Նկար 1

Թագավորաշենի կառուցման թվականը ճշտելուն կարող է նպաստել բերդի բարավորի վիմաքանդակի կոպոզիցիան և Լևոն IV թագավորի այն մանրանկարը, որը 1331 թվականին (հավանաբար՝ Սիսում) գծել է Սարգիս Պիծակ քահանան «Ամտիոքի օրենսգրքում» (գտնվում է Վենետիկի Ս. Ղազարի Մխիթարյան միաբանության մատենադարանում, ձեռ. հմր. 107) (նկ. 2): Մանրանկարում Սարգիս Պիծակը պատկերել է Լևոն IV թագավորին դատական գիսով ժամանակ: Թագավորը՝ թագը գլխին, ծալապատիկ նստած է զահավորակին ու նախագահում է ընթացող դատը: Մեղադրյալը ծնկաչոք, գեղեցիկ մի կին է: Նրա ետևում կանգնած է մի սպիտակահեր ծերունի, որի գլխավերևում գրված է «Ուղեղ»: Հավանաբար դատախազն է: Կինը հագել է երկգույն հագուստ, որը հատուկ է բանտարկյալներին: Մանրանկարի աչ հատվածում և թագավորից ցածր գտնվում են ծալապատիկ նստած երկու տղամարդիկ: Մեկը սպիտակահեր ծերունի է և մյուսը՝ մութաքայի վրա նրստած երիտասարդ և գեղեցիկ մի իշխանավոր: Թագավորից բացի, բոլորը գլխաբաց են: Մանրանկարը ներկայացնում է «Բարձր Դարպասի» մի գիստ: Երկրորդ ծերունին երիտասարդ իշխանավորի՝ հայցողի փաստաբանն է:

Մանրանկարում Լևոն IV թագավորի կերպարի և զահավորակի կոմպոզիցիայի միջև կան մի շարք ընդհանրություններ: Թագավորաշեն բերդի անունը 1335 թվականի դեպքերի կապակցությամբ հիշվել է մեկ անգամ: Մանրանկարը և Թագավորաշենի վիմաքանդակը ժամանակակից են և նույն ձևերի գործը: Վիմաքանդակի գծագրի ձևավորումն անկասկած պատրաստել է Սարգիս Պիծակը, և բերդը կառուցվել է մանրանկարի ծաղկման նույն՝ 1331 թվականին: Այս հանգամանքն անառարկելի մի ապացույց է Թագավորաշենը կառուցողի և «Լևոն թագավորի դատաստանի» մանրանկարի գլխավոր պլոմեի՝ Լևոն IV-ի նույնության մասին: Սարգիս Պիծակի տաղանդը փայլել է Օշին, Լևոն VI, Կոստանդին II, Կոստանդին III և Կոստանդին IV թագավորների շրջանում: Նա գործի բերումով ապրել է Սիս մայրաքաղաքում ու նրա շրջակա Կոպիտառա, Դրազարկ, Փոս ու Սկևա վանքերում: Նա տեսել է այդ թագավորներին ու կատարել նրանց պատվերները: 1331 թ. կառու-

ցում է Թագավորաշենը: Այդ թվականին էլ Սարգիս Պիծակը նկարում է Թագավորաշենի դռան կոմպոզիցիան և Ամսիոքի Օրինագիրքը:

Կիլիկիայի հայ թագավորների գահերը մնալ էին Եվրոպական երկրների թագավորների գահերին: Իսկ ինչպես երևում է, Լևոն IV-ի մանրամասնարի և Թագավորաշենի վիմաքանդակի գահերը «Թախտ» են և աստված է ոտքերը ծալած դիրքով: Այժմ հարց է առաջանում, թե Լևոն IV-ի թագավորությունը մախ ո՞ր պետության կողմից էր ճանաչվել ու հաստատվել: Քաղաքական ի՞նչ ազդակների բերումով Կիլիկիայի հայ քրիստոնյա թագավորը ստիպված էր ծալապատիկ բազմել «Թախտի» և ոչ թե գահի վրա:



Նկար 2

1307 թվականին Անավարզայում Բիլարդու Նուին մոնղոլ զորավարի կազմակերպած դավադրությունից հետո, որի հետևանքով սպանվել էին արքունի ընտանիքից քառասուն անդամներ և իշխանավորներ, Իլխանական Մոնղոլ պետության հետ թուլացել էին դիվանագիտական կապերը: Մոնղոլ սուլթաններն աշխատում էին այն վերականգնել մախկինի մնալ: Նրանք արևմուտքում կարիք ունեին հայոց բա-

րեկամությանը, քանի որ Իլխանական պետությունն էլ էր սկսել անկում ապրել: Մյուս կողմից, Եգիպտոսի սուլթաններն աշխատում էին Կիլիկիայի հայկական պետությունը մեկուսացնել Մոնղոլ և Եվրոպայի Լատին պետությունների զինակցությունից ու դիվանագիտական հարաբերություններից: Մրցակցություն էր գնում մանկահասակ Լևոն IV-ի շուրջ, թե ո՞վ պիտի կարողանար իր կողմը գրավել նրան: Փաստորեն, Կիլիկիայի հայկական պետությունը 1320-1327 թթ. միջև թագավորի անունից կառավարում էին Լևոն IV-ի հորը՝ Օշին թագավորին թունավորող, խնամակալ Օշին պայլը և թագավորի մերձավոր յոթ խոշոր իշխանները: Մրցակից պետություններից ամեն մեկն աշխատում էր մանուկ թագավորին քաշել իր քաղաքական ոլորտը:

Սարգիս Պիծակի ծաղկած մանրամասնարից և Թագավորաշենի վիմաքանդակից պարզվում է, որ Լևոն IV-ի թագավորությունը մախ ընդունվել է Մոնղոլ սուլթանի կողմից ու Սիս ուղարկվել Թավրիզյան «Թախտ», որոշ և թագավորական մնացյալ հանդերձանքը:

1327 թվականից մինչև Լևոն IV-ի սպանությունը (28. VIII. 1341 թ.), անցած ժամանակամիջոցում, Եգիպտոսի սուլթանական պետության Կիլիկիա կատարած հարձակումներից և հատկապես 1337 թ. պայմանագրից երևում է, որ Եգիպտոսի իշխանությունը չէր կարողացել իր դիվանագիտական ոլորտը ներգրավել երիտասարդ թագավորին, այդ պատճառով էլ շարունակել էր ճնշման տակ պահել Կիլիկիայի հայկական պետությունը:

Սարգիս Պիծակի մանրամակարի ու Թագավորաշենի վիմաքանդակի կոմպոզիցիաների բովանդակություններից պարզվում է, որ.

1. Կիլիկիայի հայկական պետությունը 1307 թ. Անավարզայի դավադրությունից հետո ևս դիվանագիտական կապերը չի խզել Իլխանական Մոնղոլ պետության հետ:

2. Արդի Յըլան-կալեն XIV դարի Կիլիկիայի հայկական պետության Թագավորաշեն բերդն էր, որը կառուցել էր Լևոն IV թագավորը:

3. Ծառ հավանական է, որ Թագավորաշենի դռան բարավորի վիմաքանդակ կոմպոզիցիայի գծանկարը կազմած լինի մանրամակարիչ Սարգիս Պիծակ քահանան:

4. Լևոն IV թագավորի սեփականությունը եղող Թագավորաշեն բերդի զինանշանը և դրոշը պատկերվել է բերդի դռան վիմաքանդակում: Այս դրոշն ունեցել է ժամանակի հերալդիկական ոճը:


5. Կիլիկիայի հայ թագավորների գալիստը եղել է ֆլոտոխը (կամ Ծաղիկը), ինչպիսին եղել է Հոռմեական կայսրության Գերման արքաներինը:

Ներկայացվող զինանշանի և դրոշի համար որպես նախատիպ է ծառայել Յըլան-կալենի դռան վերևի Լևոն IV-ի և «Կիլիկիայի հայկական գույգ առյուծների» բարձրաքանդակը: Թագավորաշեն բերդի Նշանը ներկայացնում ենք Յըլան-կալենի դռան 1955 թ. կատարած մեր լուսանկարից:

Կիլիկիայի հայկական պետության շրջանից պահպանված Լևոն IV-ի երկրորդ վիմաքանդակ կերպարը գտնվում է Քարային Կիլիկիայում, արդի Անամուր շրջանի Մամուրիե կալե կոչվող ծովափնյա բերդում (մկ. 3): Վերջինս գտնվում է Անամուր հրվանդանից արևելք, 12,5 կմ հեռու: Այդ բերդը XII-XIII դարերում կոչվում էր Կամարտիաս (Խումարտիաշ, Խումարտաշ, Խամարտիաշ, Կոմաուտիաս, Camardius, Camardo և այլն): Այն եղել է Կոմարտիաս կամ Կամարտիաս իշխանական տան հայրենի տիրույթը: Կամարտիասների իշխանական տան հարստությունը Քարային Կիլիկիայի Անամուր և Լամաս բերդերի միջև ուներ ծովամերձ ընդարձակ տիրույթներ: Լևոն I Մեծագործի թագադրության հանդիսավոր արարողության մասնակիցների ցուցակում Սմբատ սպարապետը մշել էր նաև «Իշխանն Նորբերդոյ և Կոմաուտիասոյ սեւաստիօսն Հեռի» և նրա որդի «Իշխանն Սեւեկիոյ և Պունառոյ Կոստանցն»:

Սեբաստոս Հեռի Կամարտիաս իշխանն ամուսնացած էր Հայոց Հովհաննես VI Կաթողիկոսի քրոջ հետ:


Միջնադարյան անվանի Կամարտիաս բերդի տեղադրությունը համարվում է չճշտված, սակայն Սմբատ սպարապետի վերոհիշյալ ցուցակից պարզվում է, որ Կամարտիաս բերդը եղել էր Անամուրի շրջակայքում: Դրա դիրքը որոշելու համար կարևոր տեղեկությո-



Նկ. Մամուրիե կալենի հատակագիծը:
 Ա. - Կամարտիաս բերդ:
 Բ. և Գ. - 1450 և 1484 թթ. ավելացված մասերը:
 Դ. - Մոնղոլացի խուր:
 Ե. - Դռնաձև:

Նկար 3

Եթե Կիլիկիայի հայկական պետության XII-XIII դարերի Կամարտիաս բերդը պատկերացնենք իր արդի Մամուրիյե կալե բերդի ընդհանուր տեսքով, ապա դա սխալ կլինի: Երկու վերականգնումներից հետո, բերդի ամբողջությունը բաժանվել է երեք անկանոն մասերի: Դրանցից մեկն է Մամուրիյե կալե բերդի հարավ-արևմտյան անկյունի միջնաբերդը, որն ամբողջությամբ վերցրած՝ հին Կամարտիաս բերդն է: Դա կառուցված է ոչ բարձր ժայռի վրա՝ մյուս երկու բաժանմունքներին իշխող դիրքով: Միջնաբերդի (Հին Կամարտիասի) միակ դուռը բացվում է երկրորդ բաժանմունքի մեջ: Այդ դռան բարավորի վրա է գտնվում Կամարտիաս բերդի XIV դարի զինանշանը (նկ. 4): Վերջինս ձևավորված է ծալապատիկ նստած Կիլիկիայի հայ թագավորի պատկերով: Նրա թագը մեծ է եվրոպական կամ քրիստոնյա այլ պետությունների ընդունված թագերին: Վիմաքանդակում պահպանված թագը ձևավորվել է երկու տարբեր ձևի թագերի համադրումից: Նկատելի է, որ թագը սովորականից շատ բարձր է: Դրա վերևի մասն ունի չորս ելուստներ, որոնք որոշ չափով հիշեցնում են Հայոց կամ Եվրոպական միապետների թագերի վերջավորությունները: Թագի ներքևի մասը, որը դրվում է գլխին, ներկայացնում է գլանաձև հյուսված կողով: Թագն ունի մահմեդականություն ընդունած մոնղոլական ավագանու «պատվավոր բարձի գլխանոցի» (ֆոթոզ, սոխտա) և հայկական թագի համադրում: Բանդակում պարզ երևում են հյուսվածքի ծակտիկները: Մահմեդական տիրակալների փաթեթավոր թեթև գլխանոցները (թագ) ընդհանրապես պատրաստվում էին եղեգի շյուղերից հյուսված կողովաձև հենքի (կարկաս) վրա փաթաթված թանկարժեք կերպասներից:



Նկար 4

Թագավորը ծալապատիկ նստած է բարձի վրա: Սաչաձևել է թևերը: Աջ ձեռքում պահել է խաչը, իսկ ձախ ձեռքով՝ կարճ ցողունով «Ծաղիկը», այսինքն՝ գայիսունը: Թագավորի առջև քանդակված է եվրոպական հերալդիկայի հիմունքներով կազմված անձնական զինանշանը, ֆրանսիական տիպի վահանակով և բուսական օրնամենտներից կազմված ճշանցանցով (HAMEY):

Ծալապատիկ նստած թագավորը քանդակված է քառանկյունի սալտակ քարի վրա, ուստի քանդակում արտացոլված չեն Կամարտիաս բերդի Լևոն IV թագավորի շրջանին վերաբերող զինանշանի գույները: Քարի աջ, ձախ և վերևի եզրերին կա ազատ մի տարածություն, ուր պետք էր տեղադրվեին զինանշանի շուրջ եղող արձանագրությունը պարունակող քարերը: Սակայն, ինչպես երեվում է, արձանագրությունը պարունակող քարերը չեն դրվել: Անավարտ է մնացել Կամարտիաս բերդի դռան Հայոց թագավորի արձանագրությունը: Դռան վերևի մասում նախկինում եղել է այլ զինանշան և արձանագրություն: Դրանից պահպանվել է շրջանակի մեջ գտնվող (որպես հավերժության խորհրդանշ)

երիցուկի մի ծաղիկ: Այժմ դա կարելի է տեսնել արձանագրության քարերի համար թողնված վերևի հորիզոնական ազատ տարածության անկյունում: Արձանագրությունն անավարտ կարող էր մնալ միայն բերդի գրավման պատճառով: Թագավորի ծախսպատիկն ասելու դիրքից ու արձանագրության կիսատ մնալուց դատելով՝ կարելի է ասել, որ տվյալ բերդի և զինանշանի տեղը եղել է Լևոն IV-ը (1320-1341 թթ.):

Ծատ հավանական է, որ Կամարտիաս բերդի վերջին անկումը եղել է 1332 թվականին, երբ Լևոն IV-ի անձնական տիրույթի դռան վրա զինանշան և արձանագրություն էր տեղադրվում:

Բարեբախտաբար ահա այսպես պահպանվել են Կիլիկիայի հայոց մի թագավորի երեք պատկերները, երկուսը բերդերի դռների բարավորներին քանդակված, որպես սեփական տիրույթի ճշաններ, իսկ երրորդը՝ Սարգիս Պիծակի 1331 թվականին «Ամտիոքի օրինագրքում» նկարած մանրանկարում, ուր Լևոն IV-ը նախագահում է մի դատական ճիստի: Ուշագրավ է, որ Լևոն IV-ի երեք պատկերներն էլ ստեղծվել են 1331-1332 թվականներին, անկասկած արքունիքին մոտ կանգնած նկարիչ Սարգիս Պիծակի կողմից: Լևոն IV-ի պատկերի կոմպոզիցիան, ըստ երևույթին, կատարվել է մանրանկարչի կողմից, որն առավել է զորացնում Թագավորաշեն և Կամարտիաս բերդերի ճշանները կազմողի՝ Սարգիս Պիծակը լինելու մասին առկա կարծիքը: